

# **Universitätsbibliothek Paderborn**

## **Ars Semper Gavdendi**

Demonstrata Ex Sola Consideratione Divinae Providentiae Et Per  
Adventvales Conciones

Laetitiae Perfectae Artificivm In Conscientiae Recta Efformatione  
inuentum, & per Adventvales Conciones expositum ac demonstratum

**Sarasa, Alfonsus Antonius de**

**Antverpiae, 1667**

Conscientiam in actionibus suis dirigendis, opinionem verè probabilem,  
semper sequi posse.

**urn:nbn:de:hbz:466:1-11367**

credi & sine scelere. Deus det omnibus & scientiam agendorum, & promptam benè agendi voluntatem; qui tam facilem sese præbet, infirmitatique nostræ tam accommodum, ut præceptorum suorum scientiam, Conscientiæ nostræ bonâ fide agenti; eorum verò executionem, voluntati promptæ commendarit.

## TRACTATVS IV. DE CONSCIENTIA EX PROBABILI OPINIONE FORMATA.

Omne quod ex fide non est, peccatum est. *Ad Rom. 14. v. 25.*

*Conscientiam in actionibus suis dirigendis, opinionem verè probabilem sequi posse sine ullo prorsus crimine.*

### PRO O E M I V M.

**E**xposito vtcumque onere, quod voluntati incumbit, sese inclinandi in eam partem, in quam Conscientiæ dictamen certum & indubitatum, etiam si ex errore conceptum, eam fert: istud nunc videndum est, quid porrò agendum sit, dum primum, quod dictamen Conscientiæ præcedit intellectus judicium, non omnino certum est de legis obligatione aut indulgentiâ; neque ullum de rei veritate judicium terre potest, nisi tantum probabili ratione efformatum. Certum est enim, nihil quidquam agi posse sine crimine, nisi certò statuat Conscientia, actionem eam quæ præ manibus est non esse illicitam,

M

tam,

tam, ac proinde sine culpa posse exhiberi. Verum quo pacto id prudenter à Conscientiâ potest statui, si de legis obligatione nihil in utramuis partem omnino constet, nisi quod utrumque probabilibus tantum, & non certis assequitur argumentis? Hoc nunc ago: illudque ostendendum, quâ ratione ex opinione quaerantum, sed vere tamen est probabilis, elici possit Conscientiæ dictamen practicum & certum, cui voluntas securè adhæreat, atque obediatur inculpatè.

*Magnos  
hoc quæstio  
hodie in  
Ecclesiâ ex-  
ciuit tu-  
multus: ex-  
ponitur  
causa.*

Dabit mihi hanc veniam æquus Lector, ut materiam hanc tractem præter morem meum paullò prolixius. Magnos enim hæc disputatio per hosce annos toto Belgio & Galliâ concitauit animorum tumultus: quos quidem exacuisse videtur peruersa huius materiae in populum sparsa explicatio, & nimium fortasse omnia admordendi & conuellendi studium; idque, nescio quo veteris Ecclesiastice austерitatis, pulchro quidem, sed falso prætextu. Hinc fit ut omnia lese componere populo cum persuadent, non nisi maximos cieant tumultus, quibus & pax publica Ecclesiæ, & Conscientiæ priuatæ tranquillitas penitus perturbetur. Exponam itaque rem totam, & vti spero eâ claritate, vt, quamvis Theologica sit, nemo tamen unus sit, qui eam dilucide non percipiat; æquumque modò partium studio præoccupatus non sit, de re totâ judicium ferre non possit.

### §. I.

#### *Proponitur status questionis.*

**Q**UAMUIS id planum sit & indubitatum, prout diximus. Conscientiæ certò & sine hæsitatione actionem aliquam decernenti, promptè esse obsequendum, quantumuis erroneous sit iudicium quod de obligatione, sive à naturâ, sive à Diuinis, humani sive legibus impositâ fert intellectus, modo bonâ fide & absque dolo malo agat Conscientia; à quâ ne istud quidem quaerendum sit, an error ille iudicij à falsitate rationum argumentorumque fallaciâ, an à legum ignorantia, an à merâ incogitantiâ obligationis oriatur, modo inuincibilis inculpatusque sit error, qui Conscientiæ, actionem eam, hisce circumstantiis, imperandi dedit occasionem: illud tamen etiam aduertendum est non indigenter,